

Cenarth i Castell Newydd Emlyn



Cenarth



Afon Teifi



Castell Newydd Emlyn



Pam Cerdded?

Llwybr unionsyth yw hwn ar hyd lonydd tawel sydd yn cysylltu dau o bentrefi mwyaf atyniadol a hanesyddol Sir Gaerfyrddin. Er bod y rhan fwyaf o'r daith drwy wlad fryniog, dim ond ychydig rannau byrion sydd ar dir cymharol serth.



Pa mor hir?

5km (3 milltir)



Pa mor anodd?

Nid yw'r daith yn arbennig o anodd. Mae'r llwybr unionsyth hwn yn mynd drwy wlad fryniog yn bennaf, dim ond ychydig rannau byrion sydd ar dir cymharol serth.



Man cychwyn / Maes Parcio - Cenarth



Trafnidiaeth Gyhoeddus - ✓ Mae'n hawdd cyrraedd Castellnewydd Emlyn a Chenarth ar y bws o Gaerfyrddin.



Lluniaet - ✓ Mae Castellnewydd Emlyn yn dref farchnad brysur sydd â llawer o fannau diddorol, siopau, caffis, tafarndai a llety.

1 Mae Afon Teifi yn bwysig iawn o ran cadwraeth natur, ac yn rhinwedd hynny mae'r afon wedi ei dynodi yn Safle o Ddiddordeb Gwyddonol Arbennig. Wrth iddi ymdroelli o'i tharddle i'r môr mae cymeriad yr afon yn newid, gan ffurfio nifer o wahanol gynefinoedd sydd yn cynnal amrywiaeth enfawr o blanhigion ac anifeiliaid, y mae nifer ohonynt yn brin ac mewn perygl. Ledled Afon Teifi a'i hisafonydd mae dyfrgwn yn gyffredin lle mae digonedd o lystyfiant ar hyd y glannau. Mae'r corsleoedd a'r corsydd sydd yn gysylltiedig â'r afon yn gynefinoedd pwysig i adar megis giachod, gylfnirod, pibyddion coesgoch a theloriaid Cetti. Mae pysgod prin megis yr herlyn a lamprai'r afon yn magu yn nyfroedd croyw yr afon, ac mae llamhidyddion a dolffiniaid trwyn-potel wedi eu cofnodi yn aber yr afon.

2 Cyfeiriodd Gerallt Gymro at bont dros Afon Teifi yng Nghenarth yn 1188, ond yn 1787 y codwyd y bont bresennol. Y penseiri oedd William Edwards a'i fab David, a fu'n gyfrifol am gynllunio nifer o

Mannau o Ddiddordeb



bontydd ynghanol y ddeunawfed ganrif gan gynnwys y bont enwog ym Mhontypridd. Mae'r tyllau crynionyn y pentanau, er mwyn lleihau pwysau'r bont, yn nodweddu eu Gwaith.

3 Y tu cefn i'r Hen Efail, sydd bellach yn ganolfan dreftadaeth a siop roddion, saif olion gwrthglawdd castell. Prin yw'r wybodaeth sydd gennym am y castell ond yn ôl pob tebyg fe'l codwyd yn y ddeuddegfed ganrif i amddiffyn man hwylus i groesi'r afon. Yr unig beth a erys ohono yw mwnt helaeth o bridd, lle arferai'r tw'r pren fod.

4 Codwyd eglwys bresennol Llawddog Sant yn 1872, a hynny am fod yr adeilad blaenorol yn mynd rhwng y cŵn a'r brain; yn wir erbyn hynny roedd yn rhaid i'r gwasanaethau gael eu cynnal yn yr ysgoldy. Mae'r bedyddfaen amrwd ei wneuthuriad yn dyddio o'r ddeuddegfed ganrif neu'n gynharach. Bu'n cael ei ddefnyddio yn Sir Aberteifi fel cafn i fwydo moch nes i ficer Cenarth ynghanol y bedwaredd ganrif ar bymtheg ddod o hyd iddo. Yn y fynwent saif maen o'r chweched ganrif sydd yn coffau Curcagnus, a oedd yn fab i Andagelli. Symudwyd y maen i'r fynwent o dir Plasty Gellidywyll yn 1896 i'w ddiogelu.

5 Mae tri adeilad yng nghyffiniau Cenarth a fu'n ficerdy ar ryw adeg neu'i gilydd. Codwyd y ficerdy hwn ynghanol y bedwaredd ganrif ar bymtheg. Cafodd ei godi yn lle ficerdy cynharach, sydd yn dal i sefyll gyferbyn â thafarn y Three Horseshoes, lle mae bwa'r coetsiws i'w weld o hyd. Saif y ficerdy diweddaraf uwchlaw'r fynwent.

6 Mae'r llwybr yn croesi'r A484. Codwyd y ffordd hon gan Gwmni Tyrpeg Caerfyrddin a Chastell Newydd Emlyn ar ôl 1802. Roedd y ffordd yn mynd o Gastell Newydd Emlyn i Genarth lle'r oedd yn cwrrd â'r ffordd dyrpeg o Genarth i Aberteifi.

7 Fferm yw Gelligatti ym mhentrefan Gelligatti, sef un o bedwar pentrefan ym mhlwyf Cenarth. Yn 1670 archwiliwyd y ffermdy at ddibenion treth a gwelwyd bod yno bedair aelwyd; felly roedd yn un o dai pwysicaf y fro. Codwyd y ffermdy presennol a'r tai maes trawiadol tua chanol y bedwaredd ganrif ar bymtheg.

8 Mae Adpar yn y golwg ar yr ochr draw i Afon Teifi. Yn yr oesoedd canol bwrdeistref ym meddiant Esgob Tyddewi oedd Adpar. Prin yw olion y pentref canoloesol, dim ond mwnt yr hen gastell a erys uwchlaw'r bont rhwng Castell Newydd Emlyn ac Adpar.

9 Yn fynych mae Gwyddau Canada i'w gweld yn pori ar y dolydd gyferbyn â'r castell. Liw dydd yn ystod yr haf mae gwenoliaid a gwenoliaid y glennydd yn brysur yn hela pryfed dros yr afon. Liw nos tro'r ystlmod yw hi i hel eu tamaid.